

# **Inuit Aqqinik Akuersisartut 05/12-2011, nal. 10.00 Oqaasileriffimmi**

## **Ataatsimiinnerannit imaqarniliat**

Peqataasut: Sofie Petersen aamma Eva Møller Thomassen, Lotte Holm.

Allatsi: Nuka Møller

### **1. Tikilluaqqusineq**

Tikilluaqqusinermi nuannaarutigineqarpoq ilaasortat tamarmiullutik ataatsimiinnermut najuussinnaanerat. Aqqit akuereqqullugit qinnutigineqartut isummerfigineqarnissaasa saniatigut ataatsimiinnermi tunngaviusumik aalajangiiffigineqartussaapput suleriaaseq qanoq ittuunersoq Inuit Aqqinut Akuersisartut atussaneraat tamannalu immikk. 6-imi eqqartorneqassaaq. .

### **2. Siulittaasumik tullissaanillu qinersineq**

Siulittaasumik tullianillu qinersisoqarpoq. Siulittaasut qinerneqarpoq Sofie Petersen. Tulliatullu Eva Møller Thomassen.

### **3. Kingullermik ataatsimiinnerni imaqarniliat akuerineqarneri**

Imaqarniliat akuerineqarput.

### **4. Atit akuereqqullugit qinnutigisat:**

- a. *Ajano (14/9)* ♀ Akuerineqarpoq.
- b. *Sali (15/9)* ☐ Akuerineqanngilaq. Innersuutigineqarpoq Salik atorneqarsinnaasoq.
- c. *Avu (Avoortungiaq), (16/9)* ♀ Akuerineqarpoq.
- d. *Varannguaq (Aavarannguaq) (29/9)* ☐ Akuerineqarpoq.
- e. *Alliaq (14/11)* ☐ Akuerineqarpoq.
- f. *Liili (17/11)* ☐ Akuerineqarpoq.
- g. *Nanuk (20/11)* ☐ Akuerineqanngilaq. Innersuutigineqarpoq Nanu imlt. Nanoq atorneqarsinnaasoq.
- h. *Aqqappa (22/11)* ☐ Akuerineqarpoq.
- i. *Kistaaraq/Kiistaaraq* ☐ Allattaatsip tunngavii naapertorlugit allanneqassasoq erseqqissaatigineqarpoq. Sivitsuusernagu Kistaaraq akuerineqanngilaq.
- j. *Titsiaat (29/11)* ☐ Akuerineqarpoq.

## **5. Inuit aqqisa nalunaarsorsimaffiata 2007-imili saqqummersup tapissaa**

Nalunaarsukkat tusaatissatut tiguneqarput. Ilisimatitsissutigineqarpoq upernassarli akuerineqartarsimasut nittartakkap nutaamik iluseqalernerata kingorna ikkunneqarsinnaasimangitsut, taamaattoq juulli sioqqullugu tamanna isumagineqalersaartoq.

## **6. Inuit Aqqinik Akuersisartut nutaamik iluseqalernissaannut Oqaasiliortut isummerfigeqqusaat**

Oqaasiliortut siulittaasuata septembarip 29-anni ataatsimiikkamik Oqaasiliortunut ilaasortanut isumaliutigeqquaa qanoq issanersoq IAA-p ilaasortaata pingasuusut marlunnik ilaqqinneqassagaluarpata aalajangiiniartarnerup eqaannerusumik ingerlasarnissaa anguniarlugu.

Apeqquut tamanna IAA-mi ilaasortat eqqartorpaat. Ilaasortat amerlinissaanut isuma pillugu pisariqarsorineqanngilaq amerleqqinnissaq. Massakkutut ingerlaaseq ajornaquteqanngilaq. Taamaattoq aalajangiisarneq allatut aqqissuunneqarsinnaasoq siunnersuutigineqarpoq. Maannakkutuut najuulluni ataatsimiinnikkut aatsaat aalajangiisarneq ingerlanneqartarpoq, taamaattoq pinartoqartillugu e-mail aqqutigalugu amerlanerussuteqartarneq aallaavigalugu aalajangiisoqarsinnaasarpoq.

Isumaliutigineqarpoq e-mail aqqutigalugu aalajangiisarneq ileqqunnguussinnaannginnersoq. Ataatsimiinnersiutisarneq eqqarsaatigalugu imatut aqqissuussisoqarsinnaannginnersoq siunnersuutigineqarpoq: ukiumut ataatsimiittarnerit amerlanngillat, sisamat tallimariarlutik ataatsimiittoqartarpoq ataatsimiittarnernilu agguaqatigiisillugu aqqit akuereqqusat sisamat-tallimat missaaniittarput. Assersuutigalugu aqqit tallimat e-mail aqqutigalugu akuerineqareeraangata ilaasortanut ataatsimiinermusiamik ataatsimik pissarsisinnaapput. Tunngaviusumik isummerfissaqartoqartillugu Oqaasileriffimmut najuullutik ilaasortat ataatsimiigiarsinnaaneraput. Pisarnertullu aqqit isummerfissat pillugit ajornartoortoqartillugu Oqaasiliortunut suliassamik ingerlateqqiisarneq misilittagaareermat taamatut ingerlasoqarsinnaavoq.

LHO nalunaarpoq taamatut aqqissuussisoqarsinnaappat nammineq ilaasortatut ataannannissi aalajangiusimasinnaallugu tunuarniuteqarnerminut pissutigisani najuukkiartorluni ataatsimiigiartarnissamut piffissaalatsisarnini taamaalilluni qaangissagamiuk.

## **7. Ilisimatitsissutit - Aqqit pillugit suliat ataatsimiinnerup avataatigut ingerlasut.**

Minneq (29/6), Natuk/Naduk, Navaruna (27/6 ->OK 15/8), Mayca (3/7->DK:OK:19/8), Avanersuarmiutut Masautsiaq iml. Masautsiaq sooq Masaatsiaq? (4/7), Ajapa (12/7-OK: 26/7), Tupaarna (12/7-OK: 1/8) Kisitsit 2 aternut akunniliullugu (14/7), Seria (26/7->DK:OK 4/8), Pele (27/7), Aqqatu (2/8:OK 30/8), Nukakkuluk (23/8), Kaani (30/8), Inuuti (1/9:OK), Nata (5/9:OK 14/9), Masami (14/9->DK), Aajaraq (14/9:OK), Ajano (14/9), Pollux (15/9->DK), Apilone (27/9->DK) Kuuka (13/10), Qujaraq (17/10), Katsiaat/Kristian (28/10), Nanu (01/11 OK), Titta (10/11), Quana (17/11 OK), Viaana (21/11), Kistaaraq (25/11), Arnat aqqisa allatt. (26/11).

*Tusaatissatut tiguneqarput.*

**Isumaa:** Aputsiaq (30/6), Avaaraq (17/7), Ikiuna (17/7), Nukaq (17/7), Kavauvak (17/7), Qarsoq (19/7), Mika (24/7), Allarneq (2/8), Malu (1/9), Ivalo (1/9), Uilu (14/9), Smilla & Amajuna (14/9), Amaasa, Saamaneq & Saama (16/9), Ujuut (18/9-20/9), Aviana (21/9), Asarpannguaq

(01/11), Navarana + Aviaaja (14/11), Minik (15/11), Ivalu (16/11), Osuqo (22/11), Inuusuttoq (23/11).

*Tusaatissatut tiguneqarput.*

## 8. Taasariaqartut allat

### a. **Atit (kinguliat) allanngortinneqartarnerat pillugu Emilie Steenholdtip allagaa**

Allattaasitoqqap naqinneri atorlugit allatigullu atersuisarnermi kukkuneqartoqartarnera annikillisarnerlugu malittarisassat qanoq ittunerinik quppersagaaqqamik assigisaanilluunniit sanasoqarsinnaanera ilalernartinneqarpoq Kingulianillu isumaginnittoqarfinnut saaffiginnissutissaqqissutut isumqarfigineqarluni.

### b. **Katsiaat qallunaatut aqqup Kristianip kalaallisut taaguutaasa ilaannut tapiut**

Nalunaarsorneqarpoq nittartakkamut ikkunneqassaaq atuagaararlu tullissaani nutarterlugu saqqummiunneqaaqqilerpat ilanngutissaaq.

### c. ***Nordisk navnekongres Askov Højskole 6.-9. juni 2012*NORNA komitemullu ilaasortassat.**

Ilisimatitsissutigineqarpoq Michael Lerche Nielsen, Institut for Navneforskningimiit allagaqarsimasooq ilisimatitsilluni allagaqarsimasooq NAA aamma IAA peqataassappata piukkunnartuusoq, ingammik inuit aqqi pillugit inatsisit eqqartorneqartussaammata Nunatsinnilu oqartussaassuseq tamakkiisumik tiguneqartussatut pilersaarutaammata uuttuutit suut artugaalissanersut il.il. eqqartorneqartussaammata. Nunarput NORNA komitemi namminersorluni ilaasortaqtartinneqarnissaa sulissutigiumallugu unnerput, taamaattoq qanoq isumaqarfigineripput paaserusunneqarluni. Tamanna pillugu novembarip qulingani ataatsimiinnissamut ilassutissaqarnerisugut aperivoq. Tamanna pillugu Oqaasiliortut siulittaasuat novembarip aallaqqaataani ima allagaqarpoq:

“Aappaagu juunimi ataatsimiititsinissamut peqataatitsinissaq siunertarisariaqarpoq. Maanna novembarimi ataatsimiinnissamut tunngatillugu oqartariaqarpoq IAA-p ataatsimiinnermini sammisimagaa takusinnaanngilara, kisianni maanna peqataatitsingikkaluarluniluunniit IAA Oqaasiliortullu isumaqatigiissutigippassuk aalajangersimasumik ilaasortaqalernitsinissaq tunngavimmigut akornutissaqarani iluaqtissartaqassaaq.

Isumaqarpunga paasisariaqartoq taakkua inatsisaanni nunanut immikkut ilaasortaaneq qanoq paasisaassanersoq. Naalagaaffittuunngitsoq kisianni Namminersortutut inissisimaneq isumaqarpunga erseqqittariaqartoq.

Isumaqarpunga akissagivut maanna peqataatitsingikkaluarluta erseqqissumik nassuiaateqareerpata qanoq ataavartumik inissinissaq aalajangersarsinnaagipput IAA-mi Oqaasiliortunilu.”

IAA-mi ilaasortat innersuussutigaat ataatsimeersuarnissami NAA-mi IAA-milu allatsit peqataatinneqassasut.

**Tulliani ataatsimiinnissaq:** Aalajangerneqarpoq e-mailikkut attaveqatigiinnkkut tulliani ataatsimiinnissaq qaqugu pissanersoq aalajangerneqrumaartoq.

Inussiarnersumik inuulluaritsi

Nuka Møller, allatsi